



Hans Enoksen
Inatsisartunut Ilaasortaq, Naleraq

§ 37 naapertorlugu apeqqummut nr. 2025-154-imut akissut

11-09-2025
Suliap normua: 2025 - 391
All. normua. 235698710

Inatsisartut Suleriaasianni § 37, imm. 1 naapertorlugu KNI A/S-imi ulluinnarni nioqqutissat akii kiisalu ingerlatsineq pillugit apeqqutit ataani allassimasut Naalakkersuisunut saqqummiuppatit.

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqutigineqartut tullinnguuttuni akineqarput.

Apeqqut 1. Naalakkersuisut Siulittaasuata Jens-Frederik Nielsen KNI A/S-ip ataatsimeersuarnerani piginnittut sinnerlugit ilaatigut oqarpoq, "Ullumi KNI-mi ataatsimeersuortoqarneranut peqataavunga, piginnittullu sinnerlugit oqaatigivara... Pisiniarfinni nioqqutissat akikinnerusariaqarput". Piffissaqarfigisariaqarparput. Oqaatigisimanerakkat ilutigalugit:

- a. Naalakkersuisut siulittaasuata pisiassat sorliit akikilliniarlugit KNI A/S-imut peqqussutigivai?
- b. Pisiassat akikillinissaanut peqqussitigineqartut qanoq annertutigisumik aningaasartuutigineqassappat?
- c. KNI A/S naatsorsuutit kingulliit naapertorlugit annaasaqaataasumik ingerlatillugu, pisiassanut akikinnerulernissaannut Naalakkersuisut Siulittaasuata piumasaqaate-qarnera qanoq aningaasartuutissanut matussusiinissaq naatsorsuutigineqarpa? Naalakkersuisut tapiiniarnersut, KNI A/S allatigut sipaarniuteqassanersoq, allatigulluunniit iliuusissat ersarissumik akineqarnissaat piumasarineqarpoq.

Akissut: Naalakkersuisunit erseqqissumik kissaatigineqarpoq, Kalaallit Nunatsinni ulluinnarni nioqqutissanut akigitinneqartut innuttaasunut sapinngisamik iluaqutaasussanngorlugit appasinnerpaamiitinneqarnissaat. Anguniagaq tamanna oqitsuinnaanngilaq, tassa assartuinnermi, uninngasuuteqarnermi kingusinnerusukkullu igitsisariaqarnermi aningaasartuuteqartarnermut attuumassuteqarmat.

KNI A/S eqqarsaatigalugu, ingerlatseqatigiiffimmit maannakkorpiag sulissutigineqarpoq, sineriammi nioqqutissanik patajaattumik pilersuinissamut tapersiisussamik pitsaanerusumik suleriaaseqartoqarnissaa, tamatumunngalu peqatigitillugu illoqarfinnut maanna nussortoqarneranut niuerfiullu mikineruneranut niuernermik naleqqussaasoqarnissaa.

Apeqquut 2. Ingerlatsiviit inuiaqatigiinnit pigineqartut qanoq ingerlanissaannut akulerussinnaatitaaneq Naalakkersuisunit tamanut atuutsinneqarniarpa, imaluunniit Naalakkersuisut taamaallaat KNI A/S-imut akuleruttarniarpat?

Akissut: Naalakkersuisut ingerlatseqatigiiffiit Namminersorlutik Oqartussanit pigineqartut ulluinnarni ingerlanneqarnerannut toqqaannartumik akuleruttarnissamik kissaateqanngillat, sakkulli atuuttut, soorlu malittarisassaliorneq, kiffartuussinissamut isumaqatigiissusiorneq akigititassanillu aalajangersaanerit il. il. aqqutigalugit nunamut assigiinngitsunik tunisassioartarnerit eqqarsaatigalugit sunniuteqarnissaq anguniartarlugu.

Apeqquut 3. Naalakkersuisut Inatsisartunut inuiaqatigiinnullu eqqunngitsumik paatsoorsaarlutilluunniit paasititsinissaat inerteqqutaava?

Akissut: Naalakkersuisut Inatsisartunut inuiaqatigiinnullu paasissutissat eqqortut ingerlateqqinneqarnissaat anguniartuarpaat. Ilanngullugu oqaatigisinnaavara, Inatsisartunut ilaasortat akisussaanerit pillugu Inatsisartut inatsisaanni nr. 6, 13. maj 1993-imeersumi § 6, imm. 2-mi Naalakkersuisut eqqortumik saqqummiussisusaatitaanerit malittarisassaartoq. Aalajangersagaq pineqartoq malillugu Naalakkersuisoq eqqunngitsumik paasinerluutaasinnaasumilluunniit Inatsisartunut paasissutissiisimaguni imaluunniit Inatsisartut oqaluuserisassamik oqaluuserinninneranni paasissutissanik oqaluuserisap Inatsisartunit aalajangiiffigineqarnissaanut annertuumik pingaaruteqartunik nipangiussisimaguni pineqaatissinneqarsinnaavoq.

Inussiarnersumik inuulluaqqusillunga



Jens Frederik Nielsen
Naalakkersuisut Siulittaasuut